

# INUIT ATAQATIGIIT

## Inatsisartuni



UKA2023/7.3  
Novembarip 17-at 2023  
Asii Chemnitz Narup

### **2024-mut Aningaasanut Inatsisissatut Siunnersuut** (aninggaasqarnermut akileraartarnermullu naalakkersuisoq)

#### **Oqaaseqaat Qulequtaq: Siunissamut aaqqissusseqqinerit**

#### **Aallaqqaasiut**

Ataasinngormat naalakkersuisut aningaasanut inatsisissamut allannguutissatut siunnersuutaat 117-t aningaasaqarnermut ataatsimiitaliamut apuupput, taakkunannga 32-t oqaasertaliussanut allannguutissatut siunnersuutaallutik.

Allannguutissatut siunnersuutit taakku Inuit Ataqatigiinnit ullumi oqaaseqarnitsinni qitiutissavagut.

Arlalippassuit aningaasanut inatsimmut isumaqatigiissumik malitseqartitsinerupput.

#### **2024-mut aningaasanut inatsimmut isumaqatigiissut**

Aappaagumut aningaasanut inatsisissaq pillugu aninggaasaqarnermut naalakkersuisumut isumaqatiginninniarnitsinni Inuit Ataqatigiinnit sukannersumik pingaarnersiusariaqarsimavugut. Immitsinnut piumaffigineq angisooq aqquaarpapput – ilami aningaasanik nalilinnik kissaaterpassuaqaraluaratta.

#### **Peqqinnissaqarfik**

Peqinnissarqarfikup makiteqqinnissaanut aningaasaliissutissanik nutaanik amerlanerpaanik iluatitsinissamik angusaqarusulluta

ilungersorsimavugut. Taannalu anersaaralugu isumaqatiginninniarernut orniguttarsimalluta.

Isumaqatiginninniarnerit iluatitsiffiusarlutillu pilliuteqarfiusarput. Aamma matuman.

Peqqinnisaqarfimmut aningaasaliissutissatut isumaqatigiissutigineqartut ajorinngilagut, akuerivagullu.

Nalileratsigu, Peqqinnissaq pillugu Ataatsimiitaliarsuup innersuussuterpassuisa timitalernissaannut alloriarsinnaalissalluta, tamanna pisariaqarluinnarlunilu nukinginnarmat.

Aningaasaliinerunissamut angusap akuerineranut pissutaavortaaq peqqissutsimut tunngatillugu partiit 4 attaviitsorlu politikkikkut tunngaviusumik isumaqatigiissummik atsioqatigiinnerat.

Peqqinnissaqarfitta nukittorsarnissaanut partiit akimorlugit suleqatigiinnissamik neriorsueqatigiinnerat tassuunakkut angusaqarfiusussatut isumalluarfigigatsigu.

Isumaqatigiissummi Inuit Ataqatigiit peqqissutsimut politikkitsinni anguniakkavut (amerlasuut) ilanngunneqarmata nuannaarutigaarpot, assersuutigalugu meeqlanut inuusuttunullu, kræftertunut, eqqarsartaatsimikkut napaarsimasunut, katsorsarneqarsinnaanngitsunik nappaatilunnut tunngasunik aamma Telemedicinikkut atortorissaarutinik inerisaaqqinnissamut.

Peqqissutsimut naalakkersuisuusimasumut aamma maanna peqqissutsimut naalakkersuisumut qamanngavik qujarusupugut oqaloqatigiinnernut ammasunut killiffiullu qanoq ilungersunartorsiorfiutigineranik paaseqatigiifflusunut, qujanarlu partiit akimorlugit isumaqatiissusiorsinnaanitsinnut aqqutissiuininnut.

Partiit akimorlugit Nunatsinni suliassaqarfinnut aalajangersimasunut isumaqatigiissuteqartoqartarnera qaqtigooqimmat nuannaaginnanngilagut, persuarsiorpuguttaaq.

Inatsisartuni suleqatigeeqqulluta inuaat noqqaajuartarnerat matumani tusarneqarpooq. Partiinut atsioqataasunut attaviitsumullu ilissinnuttaaq qujanaq.

Aningaasaliinerunissamut angusap akuerineranut aamma peqqutaaqataavoq isumaqatigiissutip malitsigisaanik peqqinnissaqarfimmik aaqqissuusseqqinnissaq aallartittussanngoratsigu. Aaqqissuusseqqinnissaq ilusilersueqataaffigissallugu piareersimavugut, naatsorsuutigaarpullu 2024 aallartisimaleriarpat taanna quequtsiullugu Peqqissutsimut Naalakkersuisoq ataatsimiigiaqqusijumaartoq.

### **Oqaatsinut kulturimullu**

Tunngasunik angusaqarnerput oqaatigilarputtaaq: Qaannat Kattuffianut ukiumut 250.000,- nik aningaasaliisalernissaq iluatsippoq.

1980-ikkut allartinnerani qaannap timersuutitut atortalernissaal sulissutigineqalerpoq, qujanartumillu ullumikkut meeqqaniit inuuusuttunut inersimasunut utoqqarnullu aallunneqarluarpoq, nunatsinnilu pissartangorniuttarnerit aasap ilisarnaataattut oqaatigisinnaanngorpavut.

Qaannap tammatsaalineqarneranut suliniuteqartunut qujamasoqaagut.

Kalaallisut oqaatsitta tamatsaaliinnarnissaat anguniassallugu Inuit Ataqatigiinnut naamanngilaq. Oqaatsitta ineriertortittuarnissaat pingaartitarivarput.

Taakkulu ilisimatusarfiginerisigut tamanna pissasoq isumaqarpugut. Oqaasiliorfiup ilisimatusarfinngortinnissaanut alloriartoqassasoq piumasarivarput, qujavugullu aningaasaqarnermut naalakkersuisumut tamatuminnga tusaaniaratsigut.

### **Aliasuutilinnut ikorsiinissaq/katsorsaanissaq**

1 miliuunimik ukiumut aningaasaliiffigineqartussanngormat unnersiorusuppugut, minnerunngitsumik ilisimaaralutigu aningaasaateqarfiit Danmarkimit miliuunilikkaanik aningaasaleeqataarusulernerannik kinguneqassammat.

## **Silap pissusaata allanngoriartornera, allanngoriartorneranullu nalimmassarnissaq.**

Nunarsuarmioqatigiinni inuiappasuit silap pissusaata allanngorneranik atuagarliorput.

Nunatsinni aalisartut, piniartut savaatillillu eqqornerlugaasinnaanerat upalungaarsimaffigisariaqarmat Naalakkersuisut ikorsiisinnaasalernissamik suliaqassapput.

Partiinit allanit siunnersuuterput ilalerneqarmat qujanaq.

## **Silap kissatsikkiartornerata annikillisarnissaa.**

Ippassaani ulloq qimmaallanartoq nalaapparput: tassa Inatsisartuni partiit attaviitsorlu isumaqatigeeqqissaarlutik Parisimi isumaqatigiisummut Nunarput ilangutissasoq akuersissutigimmassuk.

Peqqissaartumik sukumiisumillu qinikkat akornanni oqaloqatigiinnerit paaseqatigiiffiusumik naammassineqarput. Nunarput pilluarit.

Nunarsuarmioqatigiinni ajornartorsiutit ataatsimoorussat nunat tamalaat akornanni suleqatigiinnikkut aaqqitassat suleqataaffigisussanngorpavut.

## **Iluatsinngitsuugaqarpuguttaaq**

Aningaasanut inatsimmut isumaqatiginninniarnitsinni.

Oqareernittuut kissaatit piumasaqaatillu tamakkerneqarsinnaaneq ajorput. Nikallunngilagut.

Taakku allaqqullugit sulissutiginiarumaaratsigik.

## **Nunarput ataqatigiinnerusoq – atukkat assigiinnerusut**

Innuttaasunut atugassarititaasut sutigut tamatigut assigiinneqaat. Tamanna akuersaaginnarnagu aningaasanut inatsisissaq aqqutigalugu qanoq iliuuseqarfingineqassaaq.

## **Assersuutigalugu inissaqartitsiniarnermi.**

Inoqarfintti minnerni inuusuttunut inissianik inissianillu allanik sanaartortoqassaaq, soorlu ukunani:

Kullorsuarmi, Sarfannguani, Paamiuni, Narsami,  
Qasigiannguanilu.  
Kiisalu Qaanaami, Upernavimmi Uummannamilu inissianik  
attartortakkanik sanaartortoqassalluni.

**Illulioqaterqarnermik aaqqissuussinermut** upernaaru  
Inatsisartut ataatsimiinneranni inatsisitigut tunngavisat  
sammineqaqqissapput.

Ilisimaneqarmat sanaartornerup iluani ilinniarsimasunik  
sulisussaaleqiffiusoq nutaamik eqqarsaqatigiinnissamut  
piiffisanngorpoq. Inuit Ataqatigiinnit kaammattuutigissavarput  
sinerissamut ikuukkiartortartussanik angalasussanik  
Naalakkersuisut pilersitseqquullugit – soorlu isumaginninnerup  
iluani taamaattoqartoq (rejsehold).

**Mingutsitsinngitsunik nukissiuuteqarnermi**  
alloriaqqilernerput tulluusimaarutigaarpuit.  
Aasiaat/Qasigiannguit erngup nukinga atorlugu sarfamik  
pilersorneqalissapput, Tasiilap Nuullu erngup nukiliorfii  
allineqassapput.

Arajutsineqanngilaq tamakkunanna sanaartorneq  
aninggaasarpassuarnik naleqartarmat. Inatsisartunik  
akuersissutigatsigu takorloorsimavarput aningasanik  
taarsigassarsiniarnikkut tamanna naammassineqassasoq.  
Taarsigassarsiniarnermili erniatigut allatigullu piumasaqaatit  
sukanganerulersimammata pisariaqalersimavoq Landskarsi  
aqqtigalugu aninggaasanik illuartitsinissaq. Ukiut tulliit sisamat  
400 milliunit koruuninik illuartitsinissaq taamaalilluni  
pinngitsoorneqarsinnaasimanngilaq.

Suluusalinnut mittarfiliortitsernerit nanginneqassapput. Tasiilaq  
aamma Ittoqqortoormiut tullinnguutissapput, taamaammat  
pilersaarusiornissamut aninggaasaliissutit akuerineqassapput.  
Sumiiffiit taakkua tikikkuminarnerulerpata nunatta kangia Tunu  
Kitaalu ataatsimoornerulerlissammata aninggaasaliissutit taakku  
Inuit Ataqatigiinnit taperserluinnarpagut.

## **Naalakkersuisut pingajussaaneerinninnissamut allannguutissatut siunnersuutaat**

Pingaarnersiukkat oqaaseqarfingissavagut:

Sammisaq 7-mi konto pingaarneq 80.00.01-ikkut (nuussinissanut sillimmatit – sanaartornermut aningaasaliissutit) suliniummut ‘Atuarfik imminut pilersortumut’ aningaasalilerpugut.

Nunatta imminut pilersornerulernissaanut anguniakkap qanilattorneqartussanngorneranut peqataangaassaagut.

Sammisaq 11-mi allannguutissaq nr. 134 eqqussuinermi akitsuut. 65 miliuninik isertitaqarfiunerusussaq oqaaseqarfinginngitsoorsinnaanngilarput.

Ippassaani Inatsisartuni immikkoortup 20-p oqallisigineqarnera eqqarsaatigalugu erseqqissaassuteqarnissaq pisariaqarsorinarpoq.

Tassunga killittoqarneranik kingumut qivialaarta.

2022-mi ukiakkut Demokraatinin siunnersuutigineqarpoq immiaaqqanik suudavandinillu killilersuinani Nunattsinnut eqqussuisoqartalersinnaalissasoq. Nioqqtissallu nutaat puui utertinneqarsinnaasassasut.

Partiinit tamanit siunnersuut akuersaarneqarpoq. Naalakkersuisullu peqquneqarnertik malillugu imeruersaatit immiaaqqallu puui pillugit nutaamik nalunaarusiorput.

Nuuk Imeq kisermaassisutut inissismajunnaarpoq. Piginnnittuilu aalajangerput suliffeqarfik matussallugu.

Tunisassiarisarsimasaat avataanit eqqussukkanik nutaanik taarserneqartussanngussapput. Taakkulu eqqunneqarneranni akiitsuutitaqassapput. Tamannarpiaavorlu Landskarsimut isertitaqernerunissamik malitseqartussangortoq. Imminermini tamanna siunertaasimannngikkaluartoq.

Nutaanik akitsuusiisoqanngilaq!

Ippassaani akiitsuutinik appaanissamut Inatsisartuni amerlanerussuteqartut akuersipput, taamaalilluni pisinniarfiutillit imeruersaatnik nioqquteqartartut puukunik utertitsinissamut atortorissaarusersuinissamut oqlisaanneqarsinnanngorput.

Aningaasat isertitsissutaanerusussat inuiaqatigiinnut iluaquitissanngorlugit atortariaqartut Inuit Ataqatigiinni isumaqarpugut. Akileraartarnikkut aaqqissuusseqqinnissamut matussutissatut atussasut kissaatigaarput. Innuttaasut akileraartarnikkut oqlisaassiffiqeqartariaqarput, inuuneq tamanut oqinneruleqqullugu innuttaasullu aningaasatigut naligiinnerusumik atugaqaleqqullugit.

Oqaasertaliussamut pioreersumut allannguutissaq nr. 154 nuannaarutigeqaarput. Tamatumuunakkut Nunatta Eqqumiitsulianik Katersugaasivittaarnissaanut suliniutip piviusungortinneqarnissaa ungasikkunnaarpoq.

### **Isertitaqarnerunissaq**

Nunatsinni aningaasaqarnerput annertusartariaqarparput. Inuussutissarsiutitigut inerisaaneq nutaaliornerillu aqqtissat pingaarteqartut ilagaat. Periarfissatsialannik siuninnguatsinniuttoqarpoq, atorluagassatsinnik. Taamaammat qujanaq inuussutissarsiornermut naalakkersoq, inuussutissarsiornermi aningaasaqarnermut periusissaq pillugu nassuaammut, ungasinngitsukkut saqqummersinneqartumut.

Inatsisartuni partiit tamatta takornariaqarnikkut ineriartortitsinissamik pingaartitsinerput ataatsimoorukkatsigu isumalluarnarpoq. Inatsisitigut pitsaasunik sinaakusiinissaq suliarissallugu qilanaarnaqaaq.

Takornariaqarnerlu pillugu nassuaammut, ippassaaninnguaq agguaanneqartumut qujarusuppuguttaaq.

### **Aaqqissuusseqqinnerit aallartittariaqarput**

Aningaasanut inatsisisaq siullermeerlugu septembarip 26-aní oqaluuserigatsigu Inuit Ataqatigiinnit inuiaqatigiinni unammilernartorpassuartut isigisavut oqaatigaagut, soorlu makku: inuiaqatigiinni aningaasaqarnikkut

naligiinnginnerujussuaq, ilinniarsimassutsikkut assigiinnginnerujussuit, meeqqat inuusuttullu amerlavallaat atugarliornerat, sulisussaaleqineq.

Pissutsit ilungersunartut illuatungaanut saatsinnissaat pisariaqavissorivarput. Aqqissuusseqqinnerit assigiinngitsut aalajangersaavignerisigut tamanna iluatsissinnaavoq. Aallartitariaqarpugullu.

Siunissami atugarissaarnissatsinnik qulakkeerinninniarutta - aaqqissuusseqqinnissat pisussaaffiusut Inuit Ataqatigiit isumarpugut.

Politikkikkut sakkussarput: attassiinnarnissamut ineriartitsinissamullu pilersaarut 2 ippasaq Inatsisartunut ilaasortanut apuunneqarpoq. Naalakkersuisunik sisamanik suliarineqarsimavoq, qujanaq suleqatigiillusi naammassisaqarnissinnut.

Siunissamut qiviarluta aningaasaqarnitta patajaallisarnissaanut suliniarnissaq kinguarsarnagu aallartitta. Aqqutit atugassat titarneqarput.

Suliassatut siullertut Inuit Ataqatigiinnit tikkuarusutarput tassaavoq akileraartarnikkut aaqqissuusseqqinnissaq. Innuttaasut aningaasatigut naligiinnerulernissaat timitalerneqartariaqarpoq.

Naatsorsuutigerusupparput aningaasaqarnermut naalakkersuisup sivitsorpallaartinnagu oqaloqatigiinnerit aallartinnissaannut aggersaajumaartoq.

## **Aningaasaqarnermut Ataatsimiititaliamut kaammattuutitut**

Apuukkusutavut tassaassapput: qulequttat angisuut, attassiinnarnissamut ineriartitsinissamullu pilersaarut 2-mi allaaserineqartut ataatsimiititaliami sammineqartarilik. Ataatsimiititaliat allat sammisamut susassqartut aamma ilaserineqartarilik. Ataatsimiititaliat akimoorlugit suleqatigiinneq pitsasunik inerititaqarfiusarmat.

## **Qujanaq**

Aningaasaqarnermut ataatsimiititaliami ilaasortaqtitsivut Inuit Ataqatigiinnit qujassuteqarfigerusuppagut. Naak partiinit assigiinngitsuninngaanneeraluarluta ugguna assigiimmik suleriaaseqarpugut: sammisat aalajangiiffigisassallu iternga tikillugu paaserusuttaratsigit, assigiinngisitaartunillu aallaaveqarsinnaasaratta soorluuna aalajangernissasinnut tunngavissat pitsaaneruliinnartartut.

Aningaasanut inatsisisssamut isumaliutissiissusiortarnitsinni piffissakikkaluarluta peqqissaartumik nalilersueqatigiittarnitsinnut qujanaq.

Qujanaq Naalakkersuisunut apeqqutigisartakkatsinnut akissutinut, ilisimatitsinermik siunertaqartunik ataatsimiittarnitsinnut qujanaq.

## **Ataatsimut tamaasa isigalugit oqaatigerusutat**

Allannguutissatut siunnersuutit saqqummiunneqarnermittut akuerineqassappata, aappassaaneerinninnissamut pingajussaaneerinninnissamullu allannguutissatut siunnersuutit malillugit 2024-mi sinneqartoortit 284,4 mio. kr.-iussapput. Piffissami 2024-2027-mi tamarmi sinneqartoortit tamarmiusut 1.270,3 mio. kr.-ussapput.

Tassunga killittoqannginnerani apeqqutit nalorninartorsiorfiusut Naalakkersuisunit akissuteqarfigineqarnisaat pissangalluta utaqqisimavagut. Soorlu raajartassiissutigineqartussat, taakkulu appaavigineqarnerat qanoq Landskarsimut sunniuteqassanersut.

Taanna takuneqarsinnaavoq sammisaq 11-mi nr. 134.

Inerniliussat taakku (sineqartoortqarneq) Inuit Ataqatigiinnit akuersaarpagut. Ukiunimi qaninnerpaani suliassaqaratta pingaarutilinnik: suliassaqarfinni arlaqaqisuni aaqqissusseqqinnerit. Pisariaqavissut aningaasanillu naleqartussat.

## **Naggasiineq**

Taamatut oqaaseqarluta nalunaarutigissavarput Inuit Ataqatigiit aningaasaqarnermut ataatsimiititaliap allannguutissatut

siunnersuuttit akuereqqullugit inassuteqaatai malillugit taasissagatta,

taamatuttaaq allannguutissatut siunnersuutit aappassaaneerinninnermut pingajussaaneerinninnissamullu saqqummiunneqartut Inatsisartunit taassisutigineqareerneranni inatsisisssatut siunnersuut tamarmiusoq iluserilikkamisut iluseqartoq akuerseqataaffigissagatsigu.